

аннодат

ХГФ



МІНИСТЕРСТВО
АКСЕЙМОЛЧИЛАР ГАУЗЫ - 1

ТАБИЙ ГАЗНИ УЛГУРЖИ
ИСТЕММОЛЧИЛАРГА
ЕТКАЗИБ БЕРИШ ВА ҚАБУЛ ҚИЛИШ
ШАРТНОМАСИ

№ 08/03

Фаргона 2022 йил

ШАРТНОМАСТІ

2022 йил “20” ой 08/03-сон Фарғона шаҳри
(шартнома тузилиган жой)

Низом ассоциа фаолият юритувчи

Малі позитивні зміни

І. ШАРТНОМА ПРЕДМЕТИ

1.1. Етказиб берувчи ўз зиммасига газ тармоклари оркали Истемолчининг келишилган буюртманомаси бўйича табиий газ (кейинги үринларда газ деб аталади) етказиб бериш мажбуриятини олади. Истемолчи эса ўз зиммасига ушбу шартноманинг 1.4-бандида кўрсатилган хажмда газни қабул килиш мажбуриятини олади хамда тўловларни белгиланган нарх бўйича ўз муддатида амалга оширади.

1.2. Етказиб берувчи газни ушбу шартномага ва газлаштириш лойихасига мувофик, газдан фойдаланиш учун стандартлаштирилган ва сертификатга эга газ курилмалари, шунингдек, газни хисоблаш приборлари (кейинги үринларда хисоблаш приборлари деб аталади) мавжуд бўлганда етказиб беради.

1.3. Истеммолчи Етказиб берувчига тасдиқланган мөyерларга (Табииy газдан фойдаланиш қоидаларининг б-бандига) асосан ишлаб чиқариладиган маҳсулотга (ёки кўрсатилаётган хизмат) нисбатан келгуси йилда газга асосланган эхтиёжни тақдим этади.

Истемолчи жорий йилнинг 15 июль кунига кадар келгуси йилда истемол килиниши тахмин килинаётган газ ҳажми бўйича бўлортма беради.

1.4. Истемолчи билан келишилган буюртма бүйича етказиб бериладиган газ хажми техник шартларда белгиланган босим ва хажмда 2022 йилда 2895 куб.м, нархи 660 минг сүмни ташкил қиласы, жумладан чораклар ва ойлар бүйича күйидагыча таксимланады:

I чорак	<u>15,0</u>	Минг куб.м.	январь	<u>5000</u>	февраль	<u>5000</u>	март	<u>5000</u>
II чорак	<u>3,0</u>	Минг куб.м.	апрель	<u>3000</u>	май	—	июнь	—
III чорак	—	Минг куб.м.	июль	—	август	—	сентябрь	—
IV чорак	<u>13,0</u>	Минг куб.м.	октябрь	<u>3000</u>	ноябрь	<u>5000</u>	декабрь	<u>1000</u>

Етказиб берувчи томонидан хизматларни түлик хажмла кўрсатиш учун магистрал ва газ таксимоти тармокларининг ишилаши издан чиккан тақдирда, Ўзбекистон Республикаси Вазирлар Маҳкамасининг 2008 йил 24 декабрдаги 277-сон карорида кайд этилган стратегик ва ижтимоий ахамиятга эга Истъемолчиларга 20,11 ийлла зарур бўлган табии газнинг минимал хажми минг куб метрни, шу жумладан чораклар ва ойлар буйича куйидагини ташкил килади:

I чорак	Минг куб.м.	январь	<u>625600</u>	февраль	<u>625600</u>	март	<u>626340</u>
II чорак	Минг куб.м.	апрель	—	май	—	июнь	—
III чорак	Минг куб.м.	июль	—	август	—	сентябрь	—
IV чорак	Минг куб.м.	октябрь	—	ноябрь	—	декабрь	—

1.5. Агар, Истъемолчи ойлар буйича бўлинган буюртманомани тақдим этмаса, Етказиб берувчи томонидан чорак учун ажратилган табии газ хажми ойлар буйича бир хиз микдорда таксимланади.

1.6. Етказиб берувчи Истъемолчи буюртмаларини табии газ ресурсларининг ва газни таксимлашнинг таёдикланган балансига мувофик ажратилган хажмлар доирасида кайта кўриб чикиши мумкин. Истъемолчи томонидан навбатдаги ой (чорак) учун кўрсатилган табии газ хажмлари ўзгариши буйича 10 кун олдин газ таъминоти ташкилотига хабар берган тақдирда, бундай холат ортиқча олинган газ микдори деб хисобланмайди.

II. ГАЗНИ ЕТКАЗИБ БЕРИШ ШАРТЛАРИ

2.1. Газ ушбу шартномада кайд этилган (1.4-банд) муддатларда ва хажмларда хамда ГОСТ 5542-2014 (Саноат ва коммунал фойдаланиши учун табии ёнувчи газлар) га мувофик тарздаги табии газни етказиб берилади.

2.2. Истъемолчи Етказиб берувчидан ушбу шартноманинг 1.4 ва 1.5-бандларига асосан жорий ой учун газ истъемолининг суткалик меъёри доирасида газ кабул килиб олади, шунингдек, ой охирида тузилган газ етказиб бериш ва кабул килиш далолатномасини имзолайди.

2.3. Етказиб берувчи Истъемолчига 24 соат ичida газ етказиб бериш ва кабул килиш тартиби ва шартлари ўзгарганлиги тўғрисида барча усууллар оркали Истъемолчини хабардор килиши шарт.

Етказиб берувчининг авария-лиштескер хизматлари телефон ракамлари:

23-57-21-104

Истеъмолчи манзили ва телефон раками:

73-57-21-476

2.4. Етказиб берувчи Истеъмолчини газ етказиб бериш кискартирилишига калар камида 24 соат аввал бу ҳакида хабардор килиши шарт, магистрал газ кувурларида юз берган авария холатлари бундан мустасно. Истеъмолчи хабардор килингандан кейин газ етказиб бериш дархол кискартирилади ёки тўхтатилади.

2.5. Магистрал ва таксимловчи газ кувурларининг технологик иш режимлари бузилгандা, шунингдек, куз-киш мавсумида ижтимоий соҳа объектларини ва аҳоли истемолчиларини бир маромда табиий газ билан таъминлаш максадида Етказиб берувчи Истеъмолчини огохлантирган холда газ етказиб беришни чеклаш ёки тўхтатиб кўйиш ҳуқуқига эга. Истеъмолчи эса захира ёкилги туридан фойдаланишга ўтади.

2.6. Истеъмолчи Етказиб берувчи билан газ етказиб бериш-кабул килиш доирасида тезкор маълумотларни мунтазам алмашишни таъминлаш учун жавобгарликни ўз зиммасига олади.

2.7. Истеъмолчи захира ёкилги туридан фойдаланишни кўзда тутиши ва уни етарли микдорда (3 ойдан кам бўлмаган муддатта) шакллантириши шарт. Истеъмолчи Етказиб берувчининг асосланган талаби билан табиий газдан фойдаланиш коидаларига мувофиқ захира ёкилгига ўтиши ва газдан фойдаланишни тўхтатиши лозим. Газ етказиб беришнинг тўхтатилиши тегишли далолатнома билан расмийлаштирилади.

2.8. Истеъмолчи ўзига тегишли бўлган газ тармоклари ва уларда ўрнатилган ускуналар, ГТП (газ таксимлаш пункти), газдан фойдаланиш ускуналаридан соз холда фойдаланиш, уларга хизмат кўрсатиш хамда саклаш учун жавобгар хисобланади.

2.9. Истеъмолчининг кўшимча газдан фойдаланиш ускуналари ўрнатилиши, реконструкция килиниши ёки таъмирланиши оқибатида газ сарфлаш ҳажми ўзгаришига олиб келган холларда, Истеъмолчи Етказиб берувчидан кўшимча газдан фойдаланиш ускуналарини ўрнатиш ёки реконструкция килишга техник шартларни олини шарт. Газ тармокларига уланиш Табиий газдан фойдаланиш коидаларига мувофиқ амалга оширилади.

2.10. Истеъмолчи ёки Етказиб берувчининг тўлов реквизитлари ўзгарган холатларда улар зудлик билан бир-бирини бу ҳакида хабардор килиши шарт.

2.11. Табиий газни қазиб олиш, қайта ишлаш, узатиш, таксимлаш ва истеъмол қилиш режими нинг ягона узлуксиз технологик жараёнини хисобга олиб, табиий газни ишлаб чиқарувчи ва Етказиб берувчининг талабларини бажариш Истеъмолчилар учун мажбурий ҳисобланади.

III. ЕТКАЗИБ БЕРИЛГАН ГАЗНИ ХИСОБГА ОЛИШНИ ТАШКИЛ ЭТИШ

3.1. Газни хисобга олмасдан етказиб беришга йўл қўйилмайди.

3.2. Етказиб берилган газ миқдори газ тармоқлари бўлиниши чегарасида ўрнатилган ҳисоблаш приборлари кўрсаткичлари ёки ўлчаш комплекси бўйича аникланади ҳамда хар икки томон имзолайдиган газ етказиб бериш ва қабул қилиш далолатномаси билан расмийлаштирилади.

Газ тармоғи бўлиниши чегараси (Истеъмолчи балансида бўлган газ тармоғининг бошланиши ҳисобланиб) Етказиб берувчи ва Истеъмолчи ўртасидаги, тегишилиги бўйича аникланадиган газ тармоғи бўлиниши нуктаси ҳисобланади ва унда ҳисоблаш приборлари ўрнатилиши шарт.

3.3. Бирлик миқдори стандарт шароитда 1 м³ газ олинади: харорат 20° С, босим 101,325 кРа (760 mmHg) (ГОСТ 2939-63 1.1-бандига асосан). Газ ҳажми газнинг физик-кимёвий параметрлари (стандарт шароитда, азот ва карбонат ангидрид) кийматлари бўйича тузатилади.

Газ миқдори “Ўзстандарт” агентлигининг меъёрий-хуқукий хужжатлари талабларига мувофиқ газ миқдорини стандарт шароитга автоматик равиша келтирадиган газни ҳисоблаш приборлари ёрдамида аникланади.

3.4. Етказиб берувчининг ёки Истеъмолчининг балансида бўлган газ ўлчаш прибори ва/ёки ўлчов комплекси унинг мулки ҳисобланади.

3.5. Истеъмолчи томонидан газ ўлчаш прибори ва/ёки ўлчов комплекси танлови тегишили қоидалар ва меъёрларга мувофиқ амалга оширилади ва Етказиб берувчи билан келишилади. Истеъмолчи томонидан газ ўлчаш прибори ва/ёки ўлчов комплекси газ истеъмолини хисобга олиш ва назорат қилишнинг автоматлаштирилган тизим (ТГХНАТ-АСКУГ) ларига уланиши лозим.

3.6. Газ ўлчаш приборлари ва/ёки ўлчов комплексини ўрнатиш ва ишлатиш амалдаги қоидалар ва меъёрларга мувофиқ амалга оширилиши керак.

3.7. Газ ўлчаш приборлари ва/ёки ўлчов комплекси эгаси уни ишлатиш давомида O'z DSt 8.030:2008 “Ёкилғи ва энергия. Ҳисобга қўйиладиган умумий талаблар”, O'z DSt 8.031:2008 “Ёкилғи ва энергия. Ўлчаш приборлари билан жихозлаш ва уларни ишлатиш” давлат стандартлари талабларига, шунингдек ўлчаш приборлари ишлаб чиқарувчининг талабларига риоя қилиш.

3.8. Газ ўлчаш приборлари ва/ёки ўлчов комплексларининг метрологик ва техник тавсифлари амалдаги меъёрлар ва қоидаларга мувофиқ бўлиши керак.

3.9. Газ ўлчаш приборлари ва/ёки ўлчов комплекслари “Ўзстандарт” агентлигининг жорий қиёслов кўригидан ўтказилган сертификати ва/ёки метрологик аттестациясига эга бўлиши керак. Газ ўлчаш приборлари ва/ёки ўлчов комплексларининг қиёслов кўрикдан ва/ёки метрологик аттестациясидан ўтиш даврини “Ўзстандарт” агентлиги белгилайди.

Газ ўлчаш приборлари ва/ёки ўлчов комплекслари эгаси газ ўлчаш приборларини қиёслов кўригидан ўтказиш ва/ёки ўлчов комплексларини (ва унинг

таркибий қисмларини) “Ўзстандарт” агентлигига метрологик аттестациядан ўтказишнинг ўз вактида бажарилиши учун масъулдир.

3.10. Режалаштирилган ишларнинг бир қисми сифатида (киёслов қўриги/калибрлаш, торайиш мосламасини алмаштириш, таъмирлаш) газ ўлчаш приборларини ва/ёки ўлчов комплексининг қисмларини ечиш ва ўрнатиш техник ва/ёки ишлаб чиқариш эҳтиёжлари асосида келишув бўйича ва иккала томоннинг вакиллари иштироқида амалга оширилади.

Газ ўлчаш приборларини ва/ёки ўлчов комплексининг қисмларини ечиш, ўрнатиш, уни ишлаб чиқарувчининг талабларига ва амалдаги меъёрлар ва коидаларга мувофиқ эгаси (ёки унинг сервис хизмат қўрсатувчи вакили) томонидан амалга оширилади.

3.11. Режалаштирилган ишларнинг бир қисми сифатида (киёслош қўриги/калибрлаш, торайтириш мосламасини алмаштириш, таъмирлаш) газ ўлчаш приборларини ва/ёки ўлчов комплексининг қисмларини ечиш ва ўрнатиш техник ва/ёки ишлаб чиқариш эҳтиёжлари асосида келишув бўйича ва иккала томоннинг вакиллари иштироқида амалга оширилади.

Газ ўлчаш приборларини ва/ёки ўлчов комплексининг қисмларини ечиш, ўрнатиш, уни ишлаб чиқарувчининг талабларига ва амалдаги меъёрлар ва коидаларга мувофиқ эгаси (ёки унинг сервис хизмат қўрсатувчи вакили) томонидан амалга оширилади.

Етказиб берувчининг вакилини газ ўлчаш приборлари ва/ёки ўлчов комплексининг эгаси чакиради.

3.12. Газ ўлчаш приборлари ва/ёки ўлчов комплексларини модернизация қилиш, газ ўлчаш приборларини алмаштириш, газни ўлчашнинг бошқа усулларини танлаш масалалари Етказиб берувчи билан келишилади.

3.13. Газнинг физик-кимёвий параметрлари (стандарт шароитдаги зичлик, азот ва карбонат ангидрид) газ ўлчаш приборининг конфигурациясига киритилади.

Газ ўлчаш приборининг эгаси газнинг физик-кимёвий параметрларини ўз вактида газ ўлчаш приборини конфигурациясига киритишин таъминлайди. Етказиб берувчи Истъемолчига газнинг физик-кимёвий параметрларини ўз вактида етказиб берилишини таъминлайди.

3.14. Етказиб берувчи ўзининг тамғаларини газ ўлчаш приборларига ва/ёки ўлчаш комплексининг газ хажмини ўлчашга таъсир киладиган қисмларига Истъемолчи иштироқида ўрнатади ва тегишли далолатнома тузилади. Ўрнатилган тамғаларни бутлилига Истъемолчи жавобгардир.

3.15. Етказиб берувчи Истъемолчининг газ ўлчаш приборлари ва/ёки ўлчов комплекслари ва уларнинг таркибий қисмларининг тўғри ишланини кузатиш хукукига эга. Шу билан бирга, Истъемолчи Ўзбекистон Республикаси конунчилигига мувофиқ Етказиб берувчи вакилларининг ўлчаш приборлари ва/ёки ўлчаш комплексларига тўсиксиз киришини таъминлайди.

3.16. O'z DSt 8.586.(1-5)-2005 бўйича ўлчов комплекси ва ўлчаш приборлари ишида гайритабийи холатлар юзага келган тақдирда O'z DSt 8.064:2017 бўйича газнинг микдори хисобланади (корректировка). Ўлчаш курилмаси ва /ёки ўлчаш комплекси фаолиятига рухсатсиз аралашини холатлари бундан мустасно.

3.17. Олинган газ учун хисоб-китоб, қуйидаги ҳолларда тамгаланмаган газдан фойдаланиш ускунасининг 24 соат давомида ишлаб туриши хисоб-китобидан амалга оширилади:

- а) газни ҳисобга олмаган ҳолда газ истеъмоли – газни ҳисоблаш прибори ва газни сарф килиш нормаси бўлмаганда, газни ҳисоблаш приборини четлаб ўтган ҳолда истеъмол килиши (ноқонуний байпас линиялари уланганда) охирги хатловдан ўтказиш далолатномаси тузилган кундан аникланган кунгача, лекин даъво муддатидан кўп бўлмаган даврга;
- б) ҳисобга олиш приборини улаш тартиби ва схемаси ўзгартирилганда – охирги хатловдан ўтказиш далолатномаси тузилган кундан, лекин даъво муддатидан кўп бўлмаган даврга;
- в) ҳисобга олиш прибори бузилганда (ҳисобга олиш прибори бузилганини тасдиқловчи хужжатлар мавжуд бўлганда) – шартноманинг 1.4 ва 1.5-бандларини инобатга олган ҳолда бир ҳисоб-китоб давридан кўп бўлмаган вактга;
- г) ҳисобга олиш прибори мавжуд бўлмаганда – қиёслов кўригидан ўтказиш учун ечилганда – ҳисобга олиш прибори ечилган кундан “Ўзстандарт” агентлигидан қиёсловдан ўтказилиб, сертификат олиниб жойига ўрнатилган кунгача бўлган вактга;
- д) ҳисобга олиш приборини киёслов кўригидан ўтказиш ва/ёки ўлчов комплексни метрологик аттестациядан ўтказиш муддати тугаганда – қиёслов кўригидан метрологик аттестация ўтказиш муддати тугаган кундан киёслов кўригидан ёки метрологик аттестация ўтказиш учун ечилган кунгача бўлган вактга;
- е) ҳисобга олиш прибори ёки ўлчов комплексининг қисмларига ўрнатилган тамғаларнинг бутлиги бузилганда – охирги кўрик ёки газ таъминоти ташкилоти вакили бориб кўрган вактдан бошлаб, лекин бир ҳисоб-китоб давридан кўп бўлмаган вактга;
- ж) ҳисобга олиш приборини ўзбошимчалик ечиб кўйилганда – охирги кўрик ёки газ таъминоти ташкилоти вакили бориб кўрган вактдан бошлаб аникланган кунгача бўлган вактга;
- з) газни тарқатиш тармокларининг технологик режимини бузадиган газ куъурларида ёки ГТПларида асбоб-ускуналар ўрнатилганда – охирги кўрик ёки газ таъминоти ташкилоти вакили бориб кўрган вактдан бошлаб аникланган кунгача бўлган вактда;
- и) Газ ҳисоблаш ускунасининг конфигурацияларига ноқонуний тарзда ташки таъсир кўрсатган ҳолда табиий газни истеъмол килиш ҳолатлари аникланганда – ташки таъсир кўрсатилган кундан бошлаб (агар аралашув кунини ва фактини тасдиқловчи хужжатлар мавжуд бўлса), бирок даъво муддатидан ортик бўлмаган муддатга;
- к) ҳисобга олиш приборининг хотирасида сакланадиган архив маълумотларини йўқотиш, газ ўлчашни автоматаштирилган тизимидан ҳисобот ойида маълумотлар олиш имкони бўлмаганда ёки етказиб берувчининг оператив журнallаридан олинган маълумотлар бўлмаган такдирда. (Ҳисоб-китоб учун ТГХНАТ (АСКУГ) тизими жорий килинган истеъмолчиларда ҳисобот даври учун архив маълумотлари мавжуд бўлмаган ҳолларда истеъмол килинган табиий газ

хажмлари түғрисидаги маълумотлар ТГҲНАТ тизимида қайд этилган маълумотлардан олинади);

л) газ истеъмоли ҳажмлари хисобга олиш приборининг рухсат этилган максимал ўлчов чегарасидан ортиқча бўлганда, пломбаланмаган газ жиҳозларидан фойдаланилган газ учун хисоб-китоблар охирги хатловдан ўтказиш далолатномаси тузилган кундан, хатлов далолатномаси мавжуд бўлмаганда эса – газ таъминоти ташкилоти вакили томонидан охирги марта бориб кўрилган кундан амалга оширилади;

м) газлаштириш хужжатларини расмийлаштирумасдан истеъмолчи томонидан кўшимча газ курилмаси ўрнатиш ҳолати аниқланганда (кўшимча газ анжомларини ўрнатиб олиб фойдаланаётганлик факти бўйича асослантирувчи хужжатлар мавжуд бўлганида) - бир хисоб-китоб даврига;

3.18. Истеъмолчининг хисобга олиш прибори газ ҳажмини пастки чегараси остида сарфлаганда, газ ҳажми хисобга олиш прибори ва/ёки ўлчов комплексининг меъёрий-техник хужжатларида кўрсатилган ўлчовининг пастки чегарасида олинади.

3.19. Етказиб берувчи томонидан етказиб бериладиган газ ҳажмининг ишончлилигига таъсир кўрсатувчи ўлчов комплекслари ва хисоблаш приборларининг ишлаши бузилган ҳолатлар аниқланганда, Етказиб берувчи "Ўзстандарт" агентлиги бўлинмаларида ўлчов комплекслари ва газни хисоблаш приборларини экспертизадан ўтказишни талаб килиш хукукига эга.

Агар ўлчов комплекслари ва хисоблаш приборлари носоз бўлса, экспертизадан ўтказганлик учун тўловлар Истеъмолчи томонидан, соз ҳолатда бўлганда эса –экспертиза ўтказилиши талаб қилган Тараф томонидан амалга оширилади.

3.20. Агар хисобга олиш прибори ишдан чиккандаёки хисобга олиш приборидан газ сизиб чиқиш ҳолатлари аниқланган тақдирда Истеъмолчи 24 соат ичida Етказиб берувчига бу ҳақда хабар бериши шарт. Шунингдек корхонадаги газ ишлатадиган асбоб-ускуналарни ишлаш графигини тузиши ва ишламайдиган газ асбоб-ускуналарини Етказиб берувчи билан биргаликда ўчириб тамғаланишини таъминлаши шарт.

3.21. Ҳисобга олиш приборларида газ сизиб чиқиш ҳолати аниқланган тақдирда кайта хисоб-китоблар охирги кўрик ёки газ таъминоти ташкилоти вакили бориб кўрган вақтдан бошлаб аниқланган кунгача, лекин даъво муддатидан кўп бўлмаган даврда амалга оширилади.(O'z DSt 8.586 га кўра газни аниқлаш тизимлари герметик ҳолатда бўлиши керак).

IV. ЕТКАЗИБ БЕРИЛГАН ГАЗ УЧУН ҲИСОБ-КИТОБНИ АМАЛГА ОШИРИШ

4.1. Истеъмолчи мазкур шартнома асосида етказиб берилган газ учун тўловни амалга ошириши шарт.

4.2. Газ учун нархлар Ўзбекистон Республикаси Молия вазирлиги томонидан амалдаги қонунчиликка мувофиқ белгиланади.

4.3. Истеъмолчи ҳисоб-китоб қилиш даври бошланишидан камида 5 кун олдин Етказиб берувчининг ҳисоб рақамига ушбу шартноманинг 1.4 ва 1.5-бандларида кўрсатилган ойлик газ ҳажми кийматининг 100 фоиз суммасини олдиндан тўлади.

Ҳисоб-китоб даври бошланишидан камида 5 кун олдин ҳисоб-китобни 50 фоиз олдиндан ҳак тўлаш асосида амалга ошириш хоҳишини билдирган истеъмолчилар ҳисоб-китоб амалга ошириладиган даврни кўрсатиб етказиб берилган табиий газ учун 50 фоиз олдиндан ҳак тўлаш асосида ҳисоб-китоб қилиш тўғрисида Етказиб берувчига билдирги тартибида мурожаат қилишга хақлидир. Бундай ҳолатларда истеъмолчилар ҳисоб-китоб даври бошланишидан камида 5 кун олдин газ таъминоти ташкилотининг ҳисоб рақамига табиий газ етказиб беришга тузилган шартномада кўрсатилган ойлик табиий газ ҳажми киймати суммасининг 50 фоизи микдорида олдиндан ҳак тўлашлари шарт. Амалда истеъмол қилинган табиий газ ҳажми учун якуний ҳисоб-китоб ҳисобот ойининг охиригача амалга оширилади.

4.4. Истеъмолчига газ олдиндан тўловсиз етказиб берилмайди.

4.5. Олдиндан тўлов амалга оширилмаган тақдирда, Истеъмолчига газ етказиб берилмайди (стратегик ва ижтимоий аҳамиятга эга истеъмолчилар бундан мустасно).

4.6. Истеъмолчи ҳар ойининг 10 санасига қадар аввалги ойда истеъмол қилинган газ учун якуний ҳисоб-китобни амалга ошириши керак.

4.7. Стратегик ва ижтимоий аҳамиятга эга Истеъмолчилар ҳисоб-китоб килиш ойи тугагандан кейин 30 кун мобайнида олинган газ учун якуний ҳисоб-китобни амалга оширадилар.

4.8. Табиий газдан фойдаланишда Истеъмолчининг айби билан табиий газ етказиб беришга шартномада кўрсатилганидан ҳажмдан кам фойдаланилган тақдирда, аванс тарзида тўланган маблаглар қайтарилмайди, кўрсатиб ўтилган маблағлар эса келгусида газдан фойдаланишда ҳисобга олинади.

4.9. Истеъмолчи томонидан табиий газ етказиб бериш учун тузилган шартномада белгиланганидан кўп ҳажмда ва газ таъминоти ташкилоти билан

олдиндан келишилмасдан газ олинган тақдирда, Истеъмолчидан шартномадаги ҳажмлардан ортиқча олинган табий газ қийматига нисбатан 1,4 коэффициент билан оширилган тұлов ундирилади.

Бунда, белгиланған тартибда ҳисоблаш приборини алмаштириш, таъмирлаш, хизмат құрсатыш, текшириш ва созлигини мониторинг килиш учун ечиб олиш, шунингдек, Истеъмолчига алоқадор бұлмаган турли ҳил (электр таъминоти носозлиги, чакмок, киска туташува ва х.к)даги техник носозликтар аникланғанлығи сабабли истеъмол қилинган табий газ ҳажмини ўрнатылған газ асбоб ускуналарини тұлық күввати бүйіча ҳисоб-китоб килиниши натижасыда шартномадаги ҳажмлардан ортиқ ҳажмларни ташкил қылған холаттар бундан мустасно.

4.10. Табий газ учун Истеъмолчининг тұлов муддати ўтган қарзи мавжуд бұлған тақдирда, унинг аванс тұлови ҳисобига ўтказилған маблағлари Истеъмолчини хабардор килған холдатұлов муддати ўтган қарзни қоплашға йұналтирилади ва аванс тұлови сифатида ҳисобға олинмайды.

4.11. Шартномада күрсатиб ўтилған муддатларда етказиб берилған газ қиймати үз вактида тұланмаганда, Истеъмолчи муддати ўтган ҳар бир күн учун муддати ўтган тұлов суммасининг 0,4 фоизи миқдорида, лекин муддати ўтган тұлов суммасининг 50 фоизидан ошмайдын миқдорда пеня тұлайды.

4.12. Ҳисоб-китоб ойида етказиб берилған табий газ ҳажми Етказиб берувчи вакиллари томонидан табий газ истеъмолини ҳисобға олиш приборидан күрсаткичларни ёзіб олиш (ТГХНАТта уланған, шунингдек, табий газни истеъмол килишни ҳисобға олиш приборларига эга бұлмаган ва белгиланған меъёрлар бүйіча ҳисоб-китоб киладын иsteъmolчилар бундан мустасно) асосида, кейинчалик ёзіб олинған күрсаткичлар Fossa тизимига киритиш, шунингдек, иsteъmolчилар томонидан табий газ иsteъmolини ҳисобға олиш приборлари күрсаткичларини интерактив хизматлар воситаларидан фойдаланған ҳолда киритиш оркали аникланади.

4.13. Шартноманинг 4.12-бандига асосан күрсаткич олинганидан сұнг кейинги ойнинг 5 кунига кадар Етказиб берувчи томонидан ҳисоб-китоб ойи учун газ етказиб бериш-қабул қилиш далолатномаси ва электрон ҳисобварап-фактура расмийлаштирилади.

4.14. Етказиб берувчива Истеъмолчи ўртасидаги ҳисоб-китобларнинг ҳаққонийлігінің таъминлаш учун ҳисобот даврида газни етказиб бериш-қабул қилиш далолатномаси Иsteъmolчидан күйидағы техник ҳужжатлар мавжуд бұлғанда расмийлаштирилади:

а) газни ҳисоблаш прибори хотирасидан ҳисобот даври учун олинған (күчирма) архив маълумотлари;

б) Истеъмолчига тақдим этиладиган, Истеъмолчининг бўлиниш чегарасигача бўлган жойдаги газ тармоклари ва ГТҚлардаги технологик йўқотишларнинг хажми тўғрисидаги далолатноманинг мавжудлиги; Бунда Истеъмолчи балансида бўлган газ тармоклари ва ГТҚдаги технологик йўқотишлар Истеъмолчи ҳисобига олиб борилади.

4.15. Истеъмолчи ойнинг 7 кунидан кечиктирмасдан Етказиб берувчидан ҳисоб-китоб ойи учун газ етказиб бериш ва қабул қилиш далолатномасини ва электрон ҳисобварак-фактурани қабул қилиб олади, имзолайди ва бир нусхасини Етказиб берувчига жўнатади.

4.16. Табиий газни етказиб бериш-қабул қилиш далолатномасини имзоламаслик ёки уни эътиrozлар билан имзолаш Истеъмолчини кўрсатиб ўтилган табиий газ хажмлари учун тўловлардан озод қilmайдi. Узатилган ёки қабул килинган газ микдорини аниклашдан норози бўлган томон далолатномада норозилик сабабларини мажбурий акс эттириш йўли билан ҳисоб-китоб қилиш ойи тугагандан кейин 10-кунгача бошқа томонга бу тўғрида маълум қилиб, сўнг далолатноманинг бир нусхасини Етказиб берувчи вакилига тақдим килади. Ушбу масалани ўзаро ҳал этиш имконияти бўлмаганда, келишмовчилик сабаблари белгиланган тартибда кўриб чиқилиши керак.

4.17. Истеъмолчидан дебитор қарзларни ундириш Етказиб берувчи томонидан қонунда белгиланган тартибда амалга оширилади.

4.18. Газ узиб кўйилганидан сўнг ўзбошимчалик билан кайта уланганда, истеъмол килинган газ хажми ва унинг киймати газ узиб кўйилган кундан бошлаб, уланган газдан фойдаланиш ускунасининг бир суткада 24 соат ичida тулиқ қувват билан ишлаб туриши ҳисобидан аникланади.

4.19. Газ учун амалдаги тарифлар (нархлар) ўзгаргантакдирда, Етказиб берувчи бу ҳақидаги ахборотни ўн беш кун олдин оммавий ахборот воситалари оркали хабардор килади. Газ учун тарифлар ўзгарганида, мазкур шартнома ўз кучида қолади, истеъмол килинган газ учун тўлов эса янги тариф асосида, у қонунда белгиланган тартибда кучга кирганидан сўнг амалга оширилади.

V. ХУҚУҚБУЗАРЛИКЛАР ВА ГАЗДАН НОҚОНУНИЙ ФОЙДАЛАНИШ УЧУН ЖАВОБГАРЛИК

5.1. Газдан фойдаланишда Истеъмолчи томонидан мазкур шартноманинг 3.17. ва 4.18.-бандда кўрсатиб ўтилган хуқуқбузарликларга йўл кўйилиши, Етказиб берувчи ва Истеъмолчи вакиллари томонидан имзоланадиган ва икки нусхада тузиладиган далолатномаси билан расмийлаштирилади.

5.2. Ушбу шартноманинг 5.1-бандига асосан расмийлаштирилган далолатномага мувофиқ Истеъмолчидан, фойдаланган газ хажми киймати (амалдаги тарифлар бўйича) ундириб олинади.

5.3. Бунда мазкур шартноманинг 5.2-бандида кўрсатилган ҳолатларда газ хажми қийматининг ундирилиши Истеъмолчини конунчиликда белгиланган жавобгарлиқдан озод қилмайди.

VI. ТАРМОҚДАН УЗИБ ҚЎЙИШ ВА ҚАЙТА УЛANIШ ТАРТИБИ

6.1. Истеъмолчида куйидаги ҳолатларниң мавжудлиги хамда ушбу ҳолатларниң бартараф этилгунига кадар газ тармокларидан узib қўйилади:

- шартномавий мажбуриятлар бажарилмаганда;
- Етказиб берувчи вакилларини газдан фойдаланиш ускуналари ва ҳисобга олиш курилмаларини назоратдан ўтказишга йўл қўйилмаганда;
- фойдаланилган газ учун ҳисоб-китоб ўз вақтида амалга оширилмаганлиги натижасида қарздорлик мавжуд бўлганда;
- шартномада белгиланган буюртмаларга етарли микдорда олдиндан тўловлар амалга оширилмаганда;
- Етказиб берувчининг ва “Ўзнефтгазинспекция”нинг кўрсатмалари бажарилмаганда;
- ҳисоблаш приборларига касдан зарар етказилганда, прибор кўрсатгичларини ўзгартириш мақсадида уларнингишлишига тўскинилик қилувчи хатти-харакатлар амалга оширилган ҳолатларда;
- газни ҳисобга олиш приборларига ташки таъсир кўрсатишга ҳаракат қилиш;
- Газдан фойдаланиш коидаларига зид равишда газ тармокларига ноконуний уланиш ёки бошка қоидабузарликлар ёхуд газни талон-тарож қилиш ҳолатлари аниqlанганди;

Бунда Етказиб берувчи газ таъминотининг ўчирилиши натижасида етказилган моддий зарар ёки бой берилиган фойда учун жавобгарликни ўз зиммасига олмайди.

6.2. Тармоқка қайта уланишда амалдаги конунчиликка мувофик Истеъмолчидан базавий ҳисоблаш микдорининг ўн баравари микдорида хак ундирилади. Шартноманинг 13.1.-бандида кўрсатилган холлар бундан мустасно.

6.3. Газ истеъмолини хисобга олиш ва назорат килишининг автоматлаштирилган тизим (ТГХНАТ) ларига уланган истеъмолчиларни масофадан қайта улаш учун ҳак ундирилмайди.

VII. ТАРАФЛАРНИНГ ҲУҚУҚЛАРИ ВА МАЖБУРИЯТЛАРИ

7.1. Етказиб берувчи қуидагиларга мажбур:

- ўзига қарашла бўлган газ тармоқларини соз ҳолатда саклаш ва уларни ўз хисобидан таъмирлаш-тиклаш;
 - ўз газ тармоқларининг техник ҳолатини ва уларда рухсатсиз уланишларни аниглаш учун даврий кўздан кечириш;
 - табиий газ етказиб бериш кискарсан ёки тўхтаган тақдирда бу тўғрида Истеъмолчиларни хабардор қилиш;
 - газ хисоблаш ускуналаридан олинган архив маълумотларни, электрон маълумотларнинг барча параметрларини камида уч йил мобайнида ўзида сакланишини таъминлаш;
 - шартноманинг 3.17. ва 4.18.-бандларига кўрсатилган ҳолатлар содир этилганлиги ва ушбу ҳолатларни бартараф этилгунинга кадар табиий газ таъминотини кўшимча огоҳлантиришларсиз тармоқдан ўчириш;
 - табиий газнинг рухсатсиз истеъмол қилинганлиги, газ тармоқлари моддий бойликларининг талон-тарож қилинганлиги тўғрисида ҳуқукни муҳофаза қилиш органларини хабардор қилиш;
 - Истеъмолчига газ етказиб бериш шартномасида келишилган шартлар асосида газни етказиб бериш;
 - конунда назарда тутилган тартибда монополияга карши давлат органининг тақдимомасига асосан шартномага ўзгартиришлар киритиш;
 - Етказиб берувчи ва ваколатли давлат органларининг мажбурий кўрсатмаларини бажариш;
 - техник хизмат кўрсатиш шартномаларига мувофиқ истеъмолчиларнинг ички газ тармоқлари, газдан фойдаланувчи ускуналарини техник тафтишдан ўтказиш уларга профилактика хизмати кўрсатиш;
 - Газдан фойдаланиш ускуналарини 5 сутка муддат ичida алмаштириш;
- Етказиб берувчи конунчиликка мувофиқ бошқа мажбуриятларга ҳам эга бўлиши мумкин.

7.2. Етказиб берувчи қуидаги ҳуқуқларга эга:

- техник заруратга кўра, Истеъмолчини белгиланган тартибда хабардор килган ҳолда, табиий газни етказиб беришни кискартириш ёки тўхтатиши;
- газ таъминоти тармоқларига рухсатсиз уланиш ҳолатлари аниланганда уларни белгиланган тартибда газ тармоғидан узиб қўйиш;
- Истеъмолчилардан табиий газдан фойдаланиш қоидалари ва газни етказиб бериш шартномаси талабларига риоя этишни талаб қилиш;
- табиий газни етказиб бериш шартномасини ижро қилишдан конун хужжатларига мувофиқ бир томонлама воз кечиши;

- газ тармокларида авариянинг олдини олиш ёки бартараф этиш юзасидан кечиктириб бўлмайдиган чораларни кўриш зарурати юзага келганда, Истеъмолчи билан келишмасдан ва уни огохлантирмасдан ҳамда зудлик билан хабардор килган ҳолда, табиий газни етказиб беришни тұхтатиш ёки чеклаш;
- ушбу шартномада назарда тутилган ҳолатларда, аникланган коидабузарликлар бартараф этилгунинг кадар аввалдан огохлантирмаган ҳолда газ етказиб бериши тұхтатиш.
- табиий газ етказиб бериш шартномасини бир томонлама бекор килиш.

7.3. Истеъмолчи қуидагиларга мажбур:

- ҳисобот ойида табиий газ етказиб бериш ва қабул қилиш далолатномасини ва ҳисоб-варақасини расмийлаштириш учун ҳар ойнинг 5-санасигача Етказиб берувчига электрон газ ҳисобдонини архив маълумотлари (распечатка) ёки газни ҳисобга олиш приборларининг кўрсаткичларини тақдим этиши;
- газдан оқилона ва тежамкорлик билан фойдаланиш;
- газ ҳўжалиги газ кувурлари ва ускуналарини техник жиҳатдан соз ҳолатда саклаш;
- газ тармоқларида ёки газдан фойдаланиш ускунасида вужудга келган табиий газ сизиб чиқиши ҳолати ҳакида газ таъминоти ташкилоти диспетчерлик хизматларини зудлик билан хабардор килиш;
- ўзининг газ тармоқлари дахлсизлигини таъминлаш ва эҳтимоли бўлган рухсатсиз уланишларни аниклаш мақсадида уларни ва улардаги ускуналарни мунтазам равишда кўздан кечириб чиқиш;
- газ таъминоти ташкилотлари газ тармоқларига сертификатланмаган, газлаштириш лойихасига (ЛТҲ) мувофиқ бўлмаган газдан фойдаланиш ускунасининг уланишига йўл кўймаслик;
- газ етказиб берувчи вакиллари ва “Ўзнефтгазиспекция” ходимларининг (тегишли гувоҳнома кўрсатилган тақдирда) табиий газни истеъмол килишини ҳисобга олиш приборларини ва ёки газдан фойдаланиш ускунасини куннинг иштаган вақтида эркин кўздан кечиришини таъминлаш;
- газдан фойдаланиш ускунасидаги носозликларни (бундай турдаги ишларни бажариш хукукига эга бўлган ихтисослаштирилган бригадалар ёки ходим ёрдамида) бартараф этиши;
- табиий газ истеъмолини ҳисобга олиш приборлари кўрсаткичларини ўзгартириш мақсадида уларнинг ишлашига тўсқинлик килувчи ҳаракатларни амалга оширмаслик, уларнинг касдан бузилишига йўл кўймаслик ва ўрнатилган тамғаларнинг бутунлигини таъминлаш;
- табиий газ истеъмолини ҳисобга олиш приборлари ишидаги носозлик аникланган тақдирда, газ таъминоти ташкилотини ўзи учун кулай шаклда дархол хабардор килиш.
- Газ тармоғи бўлиниши чегарасида табиий газ сарфи бўйича маълумотларни масофадан олиш имкониятини берувчи газ истеъмолини ҳисобга олиш ва назорат килишнинг автоматлаштирилган (ТГҲНАТ-АСКУГ) тизимиға уланган ҳисоблаш приборлари Истеъмолчи томонидан ўрнатиш..

7.4. Истеъмолчи Етказиб берувчидан қуидагиларни талаб килиш хукукига эга:

- етказиб берилган табиий газнинг аникланган ҳажмига ва бошка параметрларга норози бўлган тақдирда, Етказиб берувчининг табиий газни истеъмолини хисобга олиш приборлари ишлашининг ишончлилигини текшириш учун комиссия ташкил этиш;
- табиий газнинг стандартлаштириш бўйича норматив хужжатларда кўзда тутилган сифатда ва етказиб бериш режимига риоя қилган ҳолда узатилиши;
- табиий газни етказиб бериш шартномаси бекор килингандা, фойдаланилмаган газ ҳажми учун тўланган суммани кайтариш;
- табиий газни етказиб бериш шартномасини қонун хужжатларига мувофик бир томонлама бекор қилиш;
- табиий газни етказиб бериш тўхтатилганда, зарарни коплашни талаб килиш (шартноманинг 2.5. ва 6.1. бандлари бундан мустасно);
- газ етказиб беришини вақтингча тўхтатишни.

Истеъмолчи конунчилик хужжатларида белгиланган бошка хукукларга эга бўлиши мумкин.

VIII. ТАРАФЛАРНИНГ МОДДИЙ ЖАВОБГАРЛИГИ

8.1. Етказиб берувчи Истеъмолчи газ етказиб бериш шартномасига асосан газ етказиб берилмаган ёки тўлик етказиб берилмаганлиги оқибатида етказилган моддий зарар ва бой берилган фойдани белгиланган тартибида қоплайди.

Етказиб берувчи газни етказиб бермаганлик ёки тўлик етказиб бермаганлик учун қуидаги ҳолларда жавобгар хисобланмайди:

- а) Истеъмолчи томонидан газ таъминоти тармоқларига кўшимча газдан фойдаланиш ускунасини рухсатсиз улаш ҳолати аниклангандা;
- б) фойдаланилган газ учун тўлов амалга оширилмаганда;
- в) қонун хужжатларида назарда тутилган ҳолатларда.
- г) истеъмолчи томонидан шартнома талабларига амал килинмаганида;
- д) мазкур шартноманинг 2.5. ва 6.1. бандларида кўрсатилган ҳолларда.

8.2. Етказиб берувчи томонидан шартнома мажбуриятларининг бажармаслиги натижасида Истеъмолчи газ етказилганда, Етказиб берувчининг мансабдор шахсига нисбатан базавий хисоблаш микдорининг ўн баробаридан ўн беш баравари микдорида жарима қўлланади.

8.3. Шартномада кўрсатилган ҳажмдан кам ҳажмда газ етказиб берилган тақдирда, Етказиб берувчига нисбатан Ўзбекистон Республикасининг “Хўжалик юритувчи субъектлар фаолиятининг шартномавий-хукукий базаси тўгрисида”ги Конуни асосида жарима санкциялари кўлланилади, қуидаги ҳолатлар бундан мустасно:

- а) форс-мажкор ҳолатлар;
- б) магистрал газ қувурларида ва газ тармоқларида авария ҳолатлари юз берганда;

в) киш даврида вақтингча газ етказиб бериш чекланганида (Ўзбекистон Республикаси Вазирлар Маҳкамасининг 2008 йил 24 декабрдаги 277-сон қарорлари, шунингдек, Қоракалпогистон Республикаси Вазирлар Кенгаши, вилоятларва Тошкент шаҳри ҳокимликлари қарорлари билан тасдиқланган газ етказиб бериш тармогидан узиб қўйилмайдиган обьектлар рўйхатига киритилган корхоналардан ташкари);

г) шартномаосида Истеъмолчи томонидан ўз зиммасига олинган мажбуриятлар бажарилмаганда.

8.4. Етказиб берилган табиий газнинг сифати шартнома ёки норматив хужжатларталабларига мос келмагандан, Истеъмолчи газ қабул килиш ёки унинг учун ҳак тўлашни рад этганда Етказиб берувчидан етказиб берилган сифати зарур даражада бўлмаган газ ҳажми қийматининг 20 фоизи микдорида жарима тўлашни талаб килиш ҳукуқига эга. Агар, газ қиймати тўланган бўлса, Истеъмолчи Етказиб берувчидан белгиланган тартибда тўланган суммани қайташини талаб килиш ҳукуқига эга.

8.5. Етказиб берувчи томонидан шартномада курсатилган ҳажмлардан кам газ етказиб берилганда, Етказиб берувчи Истеъмолчига муддати ўтган ҳар бир кун учун мажбуриятларнинг бажарилмаган суммасининг 0,5 фоизи микдорида, бироқ етказиб берилмаган газ қийматининг 50 фоизидан ошмайдиган микдорда пена тўлайди.

8.6. Шартномада курсатиб ўтилган муддатларда етказиб берилган газ ҳаки ўз вақтида тўланмаган тақдирда, Истеъмолчи муддати ўтган ҳар бир кун учун муддати ўтгантўлов суммасининг 0,4 фоизи микдорида, бироқ муддати ўтган тўлов суммасининг 50 фоизидан ошмайдиган микдорда пена тўлайди.

IX. КОРРУПЦИЯГА ҚАРШИ ТАЛАБЛАР

9.1. Ушбу шартноманинг ҳар бир тарафлари бир-бирига нисбатан амалдаги коррупцияга қарши кураш талаблари, шу жумладан, бу билан чекланиб қолмасдан, барча амалдаги қонун ва қоидаларга оид шартларни ва талабларни тадбиқ этилишини ифодалайди ва кафолатлайди.

9.2. “Истеъмолчи” “Етказиб берувчи”га мазкур шартнома доирасида куйидагиларни кафолатлайди ва куйидаги мажбуриятларни ҳам ўз зиммасига олади: Шартноманинг амал килиш муддати давомида у (шунингдек, унинг ходимлари, директорлари, агентлари ва бошқа вакиллари), истеъмолчи манфаатлари учун агент ёки вакил сифатида ҳаракат килиб, “Етказиб берувчи”нинг коррупцияга қарши амалдаги талабларига ва Ўзбекистон Республикасининг барча қонун ва қоидаларига катъий риоя килади.

олади: Шартноманинг амал килини муддати давомида у (шунингдек, унинг ходимилиари, директорлари, агентлари ва бошқа вакиллари), истеъмолчи манфаатлари учун агент ёки вакил сифатида харакат килиб, "Етказиб берувчи"нинг коррупцияга карши амалдаги талабларига ва Ўзбекистон Республикасининг барча конун ва коидаларига катъий риоя қилади.

X. НИЗОЛАРНИ ҲАЛ ЭТИШ ТАРТИБИ

10.1. Келинимовчилклар' ва низоли масалалар юзага келган тақдирда томонлар коидага кўра уларни судгача ҳал этиш чораларини кўрадилар.

10.2. Келишмовчилклар ва низоли масалаларни ҳал этиш учун тарафлар белгиланган тартибда жавобгар жойлашган жойдаги Иктисадий судга мурожаат килишга ҳақлидир.

10.3. Шартнома шартларини бир томонлама рад этиш ва бир томонлама ўзгартиришга йўл кўйилмайди, конунида белгиланган холатлар бундан мустасно.

XI. ФОРС-МАЖОР ҲОЛАТЛАР

11.1. Томонлар:

а) табиий оғатлар:

б) магистрал газ қувурларида ва газ тармокларида, газни кайта ишлиш корхоналари ва газ казибчикариш жойларида кутилмаган авария вазиятлари юзага келганда, шунингдек енгил бўлмас кучлар туфайли содир бўлган табиий оғатлар, хусусан, сел, ёмғир, сув тошкени, ёнгин чиқиши, ер кимирлаши, вирус таркалиши ва пандемия даврида ҳамда Хукумат карорига асосан тарафлар шартнома бўйича ўз мажбуриятлари бажарин имкони бўлмай колганда жавобгарликка жалб этилмасдан, газ етказиб берини тұхтатиш, кискартириш ёки муносабтларни тұхтатиш хукукига эга бўладилар.

11.2. Форс-мажор холатлар юзага келган тақдирда, тарафлар ҳар кандай алоқа воситаси ёрдамида бир-бирини хабардор килиши керак.

11.3. Агар, кўрсатилган холатлар 90 кундан ортиқ кун мобайнида сакланиб турса, томонлар музокаралар йўли билан шартномани келгусида бажариш тұғрисидаги карор кабул киладилар.

XII. ШАРТНОМАНИНГ АМАЛ ҚИЛИШИ

12.1. Ушбу шартномага ўзгартириш ва қўшимчалар ёзма равишида расмийлаштирилиши ҳамда тарафлар томонидан имзоланиши керак.

12.2. Бюджет ташкилотлари учуншартнома Ўзбекистон Республикаси Президентининг 2007 йил 28 февралидаги ПК-594-сон карорига асосан Фазначилик бўлимни томонидан мажбурий тартибда рўйхатдан ўтказилган кундан бошлаб кучга киради.

12.3. Шартнома 2022 йил 31 декабргача бўлган муддатта тузилган. Шартноманинг муддати тугаганидан кейин, агар томонлардан бири шартномани бекор килиш тўгрисида талаб билан мурожаат килмаган бўлса, шартнома кейинги йилга узайтирилган хисобланади.

Бюджет ташкилотлари учун шартнома бир йилга тузилади, шартноманинг муддати тугаганидан кейин, агар томонлардан бири шартномани бекор килиш тўгрисидаталаб билан мурожаат килмаган бўлса, шартнома кейинги йилга узайтирилган хисобланади. Бюджетдан маблаг олувчилар хар йили “_____” йил 31 декабр санаасига” амал килишлари дозим.

12.4. Томонларнинг ушбу шартнома бўйича даъволари даъво кабул килинган кундан бошлиб 30 кун мобайнида кўриб чикилади.

XIII. ЯКУНЛОВЧИ КОНДАЛАР

13.1. Томонлар ўртасидаги барча келиппомчиликлар ўзаро музокара йўли билан хал этилади. Томонлар ўзаро келишувга эришмаган тақдирда низо жавобгар жойлашган жойдаги тегишли суд томонидан хал килинади.

13.2. Ушбу шартнома томонларнинг хар бири учун икки нусхада тузилган, иккала нусхасиҳам бир хил юридик кучга эга.

XIV. ТОМОНЛАРНИГ БАНК РЕКВИЗИТЛАРИ ВА МАНЗИЛИ:

«ЕТКАЗИБ БЕРУВЧИ» «Худудгаз Фаргона» газ таъминоти филиали	“ИСТЕММОЛЧИ” МАЛДОРЛУЧИ МУХАММ <small>(бюджет ташкилотлари, хўжалик юритувчи ўйъектлар номи)</small>
Почта Манзили: Фаргона вилояти Фаргона шаҳри Б.Марғилоний кӯчаси №76-үй Тел./факс: 73-229-04-13 х/р: Банк номи: «Ўзсаноатқурилишбанк» Ракат филиали МФО: 00435 ИНН: 306 605 769 ОКЭД: 35220 х/р: 20039 000105113 80 45 Рахбар: _____ (Ф.И.Ш.) Имзоси: _____ Мухр ўрини	Почта манзил: АНДОЛУЧИ МУХАММ буюдга иштади ОКПО: 10002286030236709200075003 ОКЭД: Мулоқот телефони: 73 72-27-976 Фax/x: 25402000300100001011 Банк номи: МАХНИИ ГУМИНСТ МФО: 90014 ИНН: 300 164 661 ш/х: х/р: 11.12.2012 (газиличик бўлимаси номи) Рахбар: 0-76 80226 (Ф.И.Ш.) Имзоси: _____ Мухр ўрини

Юридик маслаҳатчи хадосаси:

(Ф.И.Ш.)

(сана)



O'ZBEKISTON RESPUBLIKASI ADLIYA VAZIRLIGI

FARG'ONA VILOYAT ADLIYA BOSHQARMASI
DANG'ARA TUMAN YURIDIK XIZMAT KO'RSATISH MARKAZI

150500, Dang'ara tumani, Toshkent ko'chasi, 150-uy, tel.: (998 73) 572 17 78,
www.farg'ona.adliya.uz, el.pochta: dangara.t-yurmarkaz@adliya.uz

“20 ” yanvar 2022 yil.

Dang'ara tumani Xalq ta'lifi
bo'limiga

YURIDIK AXAMIYATGA EGA XUJJATLARNING QONUN XUJJATLARIGA
MUVOFIQLIGI TO'G'RISIDA HUQUQIY

XULOSA.

1. Loyihaming turi:

Xo'jalik shartnomasi № -sonli 20.01.2022 yll.

2. Loyihaning nomi:

**“Xududgaz Farg'ona” gaz ta'minoti tomonidan Dang'ara tumani Xalq ta'lifi
bo'limiga Tabiiy gazni ulgurji iste'molchilarga etkazib berish va qabul qilish
to'g'risida.**

3. Loyihani taqdim etgan davlat organi yoki tashkilotining nomi:

Dang'ara tumani Xalq ta'lifi bo'limi

4. Loyiha yuzasidan berilgan huquqiy xulosa:

Mazkur shartnomada O'zbekiston Respublikasining amaldagi qonunlari hamda xo'jalik yurituvchi sub'ektlar faoliyatining shartnomaviy-huquqiy bazasi to'g'risidagi qonuni asosida o'rganildi. Shartnomada loyihasi amaldagi qonun xujjatlari talablariga javob, beradi hamda qonunga mos holda tuzilgan. Tomonlarning shartnomada ko'rsatilgan javobgarligi va o'zaro nizolarni hal qilish O'zbekiston Respublikasi Fuqarolik kodeksi hamda xo'jalik yurituvchi sub'ektlar faoliyatining shartnomaviy-huquqiy bazasi to'g'risidagi qonuni asosida tuzilganligi haqida xulosa qilaman.

Dang'ara tumani Yuridik xizmat ko'rsatish
markazi bosh yuriskonsulti



B.Ergashev